

## 1. Tekolo ya dihora tse 72 ke eng?

Molao wa Tlhokomelo ya Bophelo bo botle ba Kelello wa 2002 (Nomoro ya 17, wa 2002) o laela hore pele mosebedisi wa bophelo ba kelello a ka iswa sebakeng se hlwailweng ho nehelana ditshebetso tse ikgethang tsa bophelo ba kelello, ho lokela hore ho be le tekolo ho mosebedisi ho tiisa hore ho feela ho ena le tlhokeho ya tlhokomelo, kalafo le tlhabollo ya maikutlo ,eo e seng ya boithaopo e lokelang ho ntshetswa pele le hore na e be ho mokudi ya robaletsang sepetlele kapa tjhe. Tekolo e tlameha ho etswa kahodima dihora tse 72, mme e bitswa tekolo ya dihora tse 72.

## 2. Tekolo ya dihora tse 72 e etswa kae?

Ka tlasa diphelelo tsa Molao wa 2002, tse ding tsa dipetlele kahara Freistata di kentswe lenaneng bakeng la ho nehelana ka tshebetso ena. Dipetlele tse sa kenngwang lenaneng hajwale, di tla fetisetsa motho ya fuwang ditshebetso ho sepetlele se haufi, se nehelanang ka tshebetso ena.

Dipetlele tse kentsweng lenaneng ho nehelana ka tshebetso ena ke:

**Setereke sa Fezile Dabi:**

Boitumelo, Mafube, Metsimaholo, Parys le Tokollo.

**Setereke sa Lejweleputswa:**

Bongani, Katleho, Mohau, Nala, Thusanong le Winburg.

**Setereke sa Motheo:**

Botshabelo, Dr. J.S. Moroka le Pelonomi

**Setereke sa Thabo Mofutsanyana:**

Elizabeth Ross, Phekolong, Phutholoha le Thebe

**Setereke sa Xhariep:**

Diamond le Stoffel Coetzee.

**Dibaka tse hlwailweng:**

Setsha sa Kalafo ya Mahloko a Kelello sa Freistata le Mofumahadi Manapo Mopeli, le tsona di nehelana ka

tshebetso ena.

## 3. Tekolo e etswa jwang?

Kaha mosebedisi wa tekolo ya dihora tse 72 e tla ba motho ya kulang mme a haellwa ke ho ela hloko ho kula ha hae, mokopi (mohatsae, wa leloko, molekane, motswalle, motswadi, mohlokomedi, mme bosiyong ba bona, moo mokudi a sa kgoneng kapa a sa ikemisetsa, mosebeletsi wa bophelo bo botle ) o tlameha ho nehelana ka foromo ya kopo ya MHCA 04 ho Ofisiri e ka Sehloohong ya Phethahatso ( kapa moemedi), tlasa kano, Tshebeletsong ya Sepolesa sa Afrika Borwa kapa sepetleng se amohelang mokudi bakeng la tlhokomelo eo e seng ya boithaopo. Molao wa 2002 (karolo ya 40) o totobatsa hore ditho tsa Tshebetso ya Sepolesa sa Afrika Borwa di lokela ho thusa ho isa mosebedisi le ho mo nehela sebakeng kapa sepetleleng se haufi se leng teng lenaneng.

Ofisiri e ka Sehloohong ya Phethahatso

(kapa moemedi ya kgethilweng) o tla ba le dingaka tse pedi tse alafang mahloko a kelello ho hlahlaba mosebedisi, mme bobedi ba etse kgothaletso e dumellanang kapa e hananang le kopo ya tlhokomelo eo e seng ya boithaopo. Tselo e nngwe bakeng la ho etsa kopo, e ka ba ka tlhokomelo ya thuso, ho ena le eo e seng ya boithaopo. Ebang bobedi ba sa dumellane, ngaka ya boraro e tla bitswa ho tla etsa kgothaletso ya ho qetela.

Ha Ofisiri e ka Sehloohong ya Phethahatso ( kapa moemedi) a ananela foromong ya MHCA 07, hore mosebedisi a amohelwe bakeng la tlhokomelo eo e seng ya boithaopo, mosebedisi o a amohelwa mme basebeletsi ba bophelo bo botle ba tla nehelana ka kalafo ya tlhokomelo le tlhabollo ya maikutlo yohle e



health

Department of  
Health  
FREE STATE PROVINCE

hlokehang. Ngaka kapa e mong wa basebeletsi ba tsa bophelo bo botle, o boetse o hloka ho lekola hore na ho bohlokwa ho tswellisa tlhokomelo eo e seng ya boithaopo pele kapa tjhe, le hore na e be bakeng la mokudi ya amohelwang sepetlele, kapa ya tlang feela a tswa kamora kalafo.

#### **4. Nakong ya tekolo ya dihora tse 72**

Nakongena, mosebedisi o alafshwa ka tsela ya tlhokomelo e lebelletsweng, jwaloka hore, ebang mosebedisi a fola, empa tlhokomelo ya hae e hloka dipehelo tse hlokolosi, tse leng siyo sepetleleng seo, mosebedisi o fetisetswa maamong a lokelang, mme ebang kalafo ya kellelo e hlokeha, e laelwa le ho kenngwa tshebetsong ke ngaka. Mosebedisi o alafshwa ka botlalo moo ditlhoko tsa hae tsa mmele, tsa maikutlo tsa boikamahanyo le setjhaba le tsa kelello di elwang hloko, jwaloka feela kaha ho ne ho ka etswa ka mokudi ofe kapa ofe, ho latela maano le bophethahatsi ba sepetlele seo.

Ngaka e alafang mosebedisi e lokela ho itlaleha ho Ofisiri e ka Sehloohong ya Phethahatso ( kapa moemedi) dihoreng tse ding le tse ding tse 24 ho lekola maemo a kelello ya mosebedisi.

#### **5. Qetellong ya tekolo nakong ya dihora tse 12 kamora tekolo ya dihora tse 72.**

Ngaka le mosebeletsi e mong wa bophelo bo botle ba ka fetisetsa diphetho tsa bona, ho Ofisiri e ka Sehloohong ya Phethahatso ( kapa moemedi), hore na ebe tlhokomelo eo e seng ya boithaopo e lokela ho tswela pele kapa tjhe, ya tlang ho bolella bakgathatema ba fapaneng. Diforomo tsohle tse tlatsitsweng nakong ena, di lokela ho fetisetswa (matsatsing a 7) ho Boto ya Tekodisiso ya Bophelo ba Kelello, bakeng la tekodisiso. --Ho sa natswe sephetho, leha e le hore mosebedisi o lokollotswe sepetlele.



Dihora tse 72

**Dinomoro tse ka letsetswang bakeng la ho fumana dintlha tse amanang le phatlalatso ena, ke tse latelang:**

**Mohala: 051-408 1336  
Fekse : 051-408 1074**



**health**

Department of  
Health  
FREE STATE PROVINCE

[www.fs.gov.za](http://www.fs.gov.za)